

H V D L

1 5 8 9

D. g. 130

Geog.
~~N. 3~~ 238
4^{1/2}

12

12

**Erklärung der vrsachē/
welche den Herren Cardinal von Bour,
bon/die Pares/Fürsten/Prelaten/Herren/
Stett vnd Catholischen Gemeinden des Königs
reichs Franckreich bewegt/sich gefast zümachen/wel
cher die/so sich vnderstehn die Religion vnd
den Staat umbzustoßen.**



M. D. LXXV.

Faint, illegible text at the top of the page, possibly bleed-through from the reverse side.

Erlaubung der Bischöfe

Faint, illegible text below the title, likely the beginning of a preface or introduction.

Faint, illegible text, possibly a date or reference to a specific event.

Faint, illegible text, continuing the main body of the document.

Faint, illegible text, continuing the main body of the document.

Faint, illegible text, continuing the main body of the document.

Faint, illegible text, continuing the main body of the document.

Faint, illegible text, continuing the main body of the document.

M. D. LXXV.

Faint, illegible text at the bottom of the page, possibly a signature or closing.



In Namen Gott des allmech-
tigen / des Königs aller König / sey aller me-
möglich zu wissen / Nach dem Franckreich die
nechsten vier vnd zwenzig Jar / durch inner-
liche entpörung / so zu verfürzung der alten
Religion endstanden / ist geplagt / vnd solche mittel dagegen
fürgenommen / die wider ihrer Mt: hoffnung befunden wor-
den / das sie vil bequemer das gemelt vbel zu erhalten / dann zu
löschen / gewesen. Die auch nichts dan den namen des Fridens
gehapt / auch niemand kein rhü geschafft / dann denen die der
vnrhü vsächer gewesen / durch die auch Ehrliche leut inn ihren
gewissen geärgert / vnd an ihren Güttern vernachtheilt / ge-
bliben.

Vnd an statt der mittel / so mag mit der zeit zu solchem vn-
raht verhofft / Gott verhengt hat / das die letzten König in irer
jugendt mit todt abgangen / auch keine Erben die an der Kron
succediren möchten / verlassen. Es auch dem lieben Gott nit
gefallen wollen / dem jetzt regierenden König / noch zur zeit ein
Erben zu gönnen / zu höchstem herzleid aller Ehrliebenden vn-
derthanen / die bissher nit vnderlassen / noch auch Künfftig nit
vnderlassen werden / souil ihnen möglich / sollichs von Gottes
Gnaden züerlangen. Dieweil er aber einzig / von souil Erben
die der from König Heinrich verlassen / vberig / so ist höchlich
zu befahren (darfür doch Gott sein woll) das diser Stam / ohne
succession / zu vnserm grossen verderben gar abgang / vnd das
darauff vmb eines andern successoris, oder Nachkomenden
der Kron Franckreich willen / grosse vnrhü durch die ganze
Christenheit endstande / vnd das die ganze Catholische Apo-
stolische Römische Religion gar außgetilget werd inn disem
Christlichen Königreich / inn welchem man nimmer mehr ge-
statten kan / das ein Keger Regiren solt / vnd die vnderthanen
nit schuldig / ein Herzen zu erkennen oder zu gedulden / der vom
Römischen Catholischen glauben abgewichen /

erste Eyd den vnseren König erstatten / wann ihnen die Kron
auff's Haupt gesetzt würt / ihn einbindet / die Catholisch Apo-
stolisch Römisch Religion zühandhabē / Nach welchem Eyd
sie aller erst die Huldigung von ihren vnderthanen empfahen.

Nichts desto weniger / seit des Königs Bruder mit todt ab-
gangen / so haben die ihenigen / die bisher auß ihren öffent-
lichen Confessionen vnd bekantnissen / für verfolger der Ca-
tholischen Kirchen sich zu erkennen geben / ihre fürhaben sol-
chen beyfall erlangt / das hoch von nöhten fürderliche vnd weis-
se fürschung zu thun / allen den Augenscheinlichen vngedür-
lichkeiten zubegegnen / deren schaden albereit bekant ist / der ge-
stalt das gar nahend die mittel nit mehr bey meniglich mögen
statt finden.

Vnd ist gemelter fürschung vmb sovil mehr von nöhten /
dieweil leichtlich abzünemmen / auß den grossen vorbereitun-
gen vnd Practicken / die allenthalben sich sehen lassen / mit an-
nehmung Kriegsvolcks / so wol inn / als außserhalb des König-
reichs / Mit innhaltung der Stett vnd vösten Plätz die vor lan-
gem in des Königs hand wider hetten sollen gelüffert sein wor-
den / das wir gar nahend seien bey dem End vnd effect ihres bö-
sen fürhabens vnd begird / dieweil wir wissen / das sie in mit-
tels gelegenheit gehabt / mit Teutschen Fürsten zu practiciren /
daselbst sich mechtig zu machen / andern Ehrlichen leuten alle
mittel desto bas zubenemen. Wie sie dan auch nach anders nit
trachten / dan die gelegenheit züerlangen vñ deren sich zu ver-
sichern / die Catholisch Religion vmbzustossen. Bey welcher in
gemein meniglich / fürnehmlich aber / die höchlich interessirt,
welche die fürnehmsten seind vnd die Ehr haben / das ihnen die
fürnehmste digniteten vnd ämpter inn diesem Königreich ver-
trauwet vñ befohlen. Welche man vndersthet auch bey des Kö-
nigs leben / vnd vnder seinē Namen vmbzustossen / damit wañ
niemand mehr vorhanden / der sich ihnen widersetzen dürffe /
ihnen desto leichter seie / die fürhabende Enderung der Catho-
lischen Religion ins werck zu richten / vnd sich dann mit den
Kirchen

Kirchengütern zu bereichen/auff die weiß wie inn Engelland
geschehen.

Diueil man auch vernimbt vnnnd augenscheinlich sihet/
das wesen vnd thun etlicher/die nach dem sie sich einmal in des
Königs (dessen Nam̄ vnd auctoritet bey vns allwegen vnuer-
fert/in höchsten ehren ist/vnnnd soll gehalten werden) freunds-
schafft eingeschleiffet / sich gleichsam seiner ganz vnd gar mech-
tig gemacht/vnd damit sie sich inn der hochheit/so sie dardurch
erlangt/selberhalten/so thun sie alle hülff vnd befürderung zu
obgemelten fürnehmen / vnd habens albereit so weit gebracht/
das sie vom König nit allein die Fürsten vnd den Adel/sonder
auch alle so ihe am nechsten bey jm gewesen abgehalten / vnnnd
niemand/ aufferhalbten der ihrigen/kein zügung gelassen.

Inn dem sie so weit fürgeschritten / das niemand mehr ist/
der einige veruvaltung des Königlichen Stahts mehr hab/oder
der in vollkomner veruvaltung seiner befehl sey geduldet. Dañ
ein theil des Namens vnnnd Titel ihrer gehapten digniteten/
endtssetzt/ dem andern theil aber alle veruvaltung endtnommen/
vnd nichts dann der blosser vergebene nam̄ ist gelassen worden.

Eben dergleichen hat sich begeben/ mit vilen Gubernato-
ren der Prouinzen/Hauptleuten der Plätz vnd Bestungen/
die getrungen seind worden/ihr Plätz vnnnd ämpter zu vberge-
ben / gegen etwan geringen verehrungen die sie dagegen em-
pfangen/wider ihren willen/diueil sie es denen nit abschlagē/
oder verweigeren dörfen/ die die macht gehapt/ sie mit gewalt
darzu züzwingen/welches inn disem Königreich ein ohnerhört
exempel ist/ vmb ein wenig Geldts willen / die ihenigen iher be-
fehl endtssetzen/ denen dieselben zu erkantnuß vnd widergeltüg
iher tugend/vnd treuen dienst seind vertrawet worden. Durch
sollich mittel aber haben sie alle Kriegsmacht zu Wasser vnnnd
Land/ inn ihre händ gebracht / vnnnd vndersteht man derglei-
chen gegen den vberigen auch ins werck zürichten / dergestalt/
das keiner ist der sicher oder nit inn gefahr standt/ das er seines
befehls beraubt werd/der jm auch von keim König solte mögē

entzogen werden/ Es were dann vmb erheblicher rechtmessi-
ger vrsachen willen / oder das er sich dermassen darinn vberse-
hen/ das er mit Recht schuldig were erkant worden.

Sie haben auch allen des Königs Borraht an Gold vnd
Silber züsich gebracht/ vnd alle gemeine gefell zü ihrem Pri-
uat vortheil gerichtet/ dieweil sie die jhenigen / so damit vmb-
gangen/ züm besten gehapt/ welches der rechte weg ist mit diser
Kron Franckreich jhres gefallen zu handeln/ vnd sie endtlich
dem der jnen belieben würt/ auffss Haupt züsetzen.

Daher ist auch eruolgt/ Dieweil sie sich auch der armē vn-
derthanen gütwilligkeit mißbraucht / das man jhe mehr vnd
mehr/ zü grössern aufslagen kommen/ nit allein denen gleich/
die zü den leidigen Kriegszeiten verursacht worden/ an denen
auch durch den Friden nichts abgangen / sonder zü noch vn-
zalbaren andern beschwerden die von tag zü tag/ auß jhrem vn-
ersetzlichen müthwillen hergeflossen.

Es ließ sich wol etwas schein vnd hoffnung sehen/ als auff
gemeines klagen vnd anruffen / die versamlung gemeiner
Ständ zü Bois publiciert ward/ welches dz alte gewonliche
mittel ist/ jnerlicher schädē oder gebrechen durch ein mündtlich
gespräch der Fürsten/ vñ der vnderthanē zü gleichsam einer ab-
rechnung vnd vergleichung zü kommen/ des schuldigen gehor-
sams auff einem/ vnd auff dem andern theil gebürender schüt-
zung vnd handthabung/ dardurch beide theil züsamē geschwo-
ren/ beide züsamen verknüpfte/ mit dem Königlichen Namen/
vñ alten fundamental Ordnungen/ des gemeinen wesens oder
Stahts inn Franckreich.

Aber von dem so hoch begerten vnd mühesamen fürneinē/
ist nichts vberbliben/ dann die bestettigung bösen Rahts etli-
cher die sich für gar gut Politisch fürgeben / im werck aber er-
weisen das sie zü dem Gottes dienst / vnd zü gemeines wesens
wolfahrt/ ganz vbel affectionirt vnd gewogen. Welche sich nit
benügen lassen/ mit dem das sie den König (der seiner Natur-
lichen neigung nach zü aller Gottsforcht ganz begirig) von
seiner

seiner so Heiligen vnd hochnütlichen fürgesetzten meinung
gebracht / da er ihm fürgenommen / auff so vnderthenigsts er-
suchen aller Ständ / all seine vnderthanē wider vnder eine Ca-
tholische Apostolische Römische Religion zu bringen / damit sie
in der alten frombkeit möchten leben / in deren das Königreich
erstlich were geordnet / nachgehnds auch erhalten / vnd leslich
dergestalt gemehrt vnd erweitert worden / das es jekundt das
mechtigst inn der Christenheit / welches auch damalen ohne
gefahr / vnd schier ohne widerstand hette geschehen können.

Sonder sie haben ihn auch des widerspiels beredet / das es
zu des Königs mehrern nutz nöttig sey / Etlicher Catholischer
Fürsten gewalt zu brechen / die doch so eifferig ihr leben gewagt /
vnd vnder des Königs feldzeichen / zu rettung der Catholi-
schen Religion gestritten / gleich als wann das ansehen / so sie
durch ihr tugendt vnd redlichkeit erlangt / an statt der Ehren so
ihnen gebüren / sie solte dem König verdächtig machen.

So seind auch die mißbräuch / die fuß für fuß ihren für-
gang gehabt / leslich wie ein schneller fluß zu einem so hohen
fall gerathen / das das arme Königreich jekt an dem ist / in kur-
zem inn endlichs verderben zu gerathen / mit schlechter hoff-
nung sonderer besserung.

Dann der Geistlich stand / vngeachtet aller versamblun-
gen / vnd billicher erinnerungen / so er hat fürnemmen können /
ist auff heutigen tag im Zehenden / vnd mit andern extraor-
dinari hülffen gar vndergetruckt / ohn die entwehrrung der
Kirchen Schatz / welche alle nutz mehr erhaben vnd geplün-
dert. Der Adel würt vernichtigt / dienstbar gemacht / vnd täg-
lich mit vngebührlichen aufslagen verderbt / die er doch wider
sein willen zahlen muß / will er anders sein Leben erhalten / das
ist / will er essen / trinckē vnd sich kleiden. Die geringern König-
lichen Verampte / vnd der gemein Mann / ist durch die immer
werenden neuen aufslage / so man erfindungen neit / so gar eng
eingethan / das nichts mehr vberig ist zuerfinden / dann wie
man den dingen mit guter ordnung helffen könn.

Auf diesen Ursachen vnd rechtmessigen erwegungē/ thun wir Carl von Bourbon/ein Fürst Königlichen Geblüts/ der Catholischen Apostolischen vñ Römischen Kirchē Cardinal/ als dem am nechsten obliegt/ die Catholische Religion inn diesem Königreich zū schützen vnd zūschirmen/ alle ihrer Mt: getreue Diener/ vnd den ganzē Staat oder wesen dieses Königreichs zū erhalten/ mit beystand anderer mehr Fürsten Königlichen Geblüts/ Cardinal/ Parium Francia, Prelaten/ der Kron veramppteten/ Gubernatorn der Prouinzen/ der fürnemsten Herrn der Ritterschafft/ vil fürnemer Stett vnd Gemeinden/vnnd einer guten anzahl getreuer gehorsamer Vnderthanen/ als des bessern vnnd fürnemern theils dieses Königreichs/ nach dem wir wolbedächtlich erwogen/ die vrsach dieses fürnemens/ auch vnserer guten freund vnd der ihenigen rath gehabt/ denen die ruh vnd wolffahrt/ dieses Königreichs angelegen/ die auch deren ding verstendig/vnnd darzu Gott (den wir dann sonderlich hierin vmb alles/ so auff der Welt sein möcht/ zuerzürnen mit nichten gemeint) ehren vnd fürchten/ vns hiez mit erklären/das wir zusamen geschworen vnd ein ander theur zugesagt vnnd versprochen/ mit gewehrter starcker hand zusamen zusehen/

1 Das die Heil Kirch Gottes inn ihre vorige würde vnnd stand/ vnd in die wahre allein Catholische Religion wider gebracht werd.

2 Das der Adel (wie er billich soll) seiner freiheit vollkomlich genieße.

3 Das der gemein Mann aller neuen aufflagen entladen/ vnd dieselben alle/wie sie seit König Carolo (dem Gott gnade) auffgestigen/wider auffgehoben vnd abgethan werden.

4 Das die Parlament in ihr vorige vollkomne macht vnnd gewalt/ein jedes in seinen Gerichtszwang wider gesetzt werde.

5 Das alle Vnderthanen des Königreichs/in ihren Gubernamenten/bey iren Emptern vñ befehlen gelassen/ vnd derselben keiner entsetzt werd/ausserhalb dreyer fall/ die in alten ordnungen

nungen in den Parlamenten sonderlich versehen.

6 Das alles Gelt / so vom gemeinen Mann auffgehoben würt / zu rettung des Königreichs / vnnnd zu dem end allein / dahin es verordnet / verwendet werd.

7 Das nuhn hinfüro zum aller lengsten / von drey jaren zu drey jaren / ein gemeine freye versammlung aller Ständ / ohn einige practick gehalten werd / mit vollkomner freyheit / daß ein jeder seine beschwerden / denen mit der gebür abgeholfen / möge fürbringen.

Dise vnnnd andere sachen / die künfftig eigentlicher sollen außgeführt werdē / seind die hauptursachē gegewertiger Kriegs versammlung / die fürgenommen würt Franckreich wider auffzurichten / die frommen zühandhaben / die bösen zustraffen / vñ dann vnser Personen züsichern / die man so oft vnderstanden hat / wie auch erst innerhalb wenig tagen / durch heimliche conspiration gar vnderzutrucken / als wann die sicherheit des ganzen wesens / allein an vndertrückung vnnnd verderbung deren gelegen / die so oft dasselb züerhalten / ihr leben gewagt. Diweil wir nichts mehr vberig haben / vns vor dem vnglück zübewahren / vnnnd das Messer / so wir allbereit vber vnsern Häubtern sehen / abzüwenden / dann der mittel vns zügebrauchen / deren wir vns gleichwol jederzeit entsetzt / die aber jetzt billich vnnnd rechtmessig sollen geachtet werden / diweil sie nötig seind. Deren wir vns auch noch nit begerten zügebrauchen / wann es allein vmb vnser leben züthun / vnnnd nit zügleich der endtlich vndergang der Catholischen Religion in disem Königreich / vñ des ganzen Stahts vnuermeidlich oder vnuerscheidenliche notdurfft demselben anhienge. Zü dessen rettung vnnnd erhaltung / wir alle gefahr hindan setzen / vnnnd es darfür halten / daß wir kein ehrlichere Begräbnus erwehlen können / dann da wir in einer so gerechten vnnnd billichen sachen vnser leben verlieren / vnnnd vns damit so wol der pflicht erledigen so wir als fromme Christen Gott züleisten schuldig / vnd

b

zugleich auch als getrewen Vnderthanen gebürt den endlichen vndergang des ganzen Stahts verhüten/welcher auff der gleichen enderungen gern pflegt züfolgen.

Protestierend hiemit/ daß sollichs/ das wir zur Wehr greiffen/ nicht wider den König vnser höchstes Haupt/ sonder zürettung vnd beschirmung seiner Person / seines lebens/ vnd seines Stahts/vmb des willen wir nochmalē samptlich schworen vnd versprechen / vnser Güt vnnd vnser Blüt biß auff den letzten tropffen darzusehen/ mit gleicher redlichkeit/ als wir biß her auch gethan/ desgleichen die Wehr alsbald wider nider zülegen / als ihr Mt: das ihenig würt abgeschafft haben/ dar durch erslich der Gottesdienst/ vnnd demnach so vil redlicher Leuht auff's eusserst befahrt werden / welches von ihrer Mt: auff's fürderlichst es immer sein kan zugeschehen / wir aller vnderthenigst bitten/vnd das ihr Mt: damit meniglich würcklich zuerkennen wöll geben / daß er mit der that der aller Christenlichst König/dem die forcht Gottes vnd eyffer zü der Religion in sein Seel eingepflanzt / wie wir ihn dafür / vnnd als einen frommen getrewen Vatter vnnd König / züerhaltung seiner Vnderthanen jeder zeit erkant. Durch welches auch ihr Mt: von vns vnd allen ihren andern Vnderthanen gehorsamet/ geliebt/geehrt/ vnd mit aller gütwilligkeit gedient werde/welches wir vber alles inn diser Welt wünschen.

Vnd dieweil vnser Gemüt gehörter massen geschaffen/ so bitten wir sambtlich aller vnderthanigst die alte Königin des Königs Fraw Mütter / ohn deren klügheit vnd fürsichung dises Königreich langst were zertrent vnnd verderbt / vmb der güten zeugnis willen / so sie von wegen vnserer ansehnlichen dienst/ vns allen / fürnemblich aber mir dem Cardinal von Bourbon/ kan/will/vnd soll geben/deren wir jeder zeit alle ehre/dienst vnd beystand bewisen/ in ihren wichtigsten obligen/vns verschont vnserer Gütter/ Leib/ Leben/Freund vnd Verwandthen/mit ihr jeder zeit/des Königs vnnd der Catholischen Religion parthey züstercken / sie wölle vns auff dißmal nit verlassen/

sen/sonder all jhz ansehen/so jhz von wegen jhz vilfältig ange
wendten mühseligen arbeit / billich gebüret / vnd jhz durch jess
ige jhre feind/bey dem König jhzem Sohn/vntrewlich möchte
endtraubt werden/anwenden.

Wir bitten auch alle Fürsten/Pares Francia, der Königs
lichen Cron veramptete / Geistlichen stands / desgleichen die
Herren von der Ritterschafft / vnnnd alle andere/wes stands sie
seind/so sich zu vns noch nicht begeben/das sie vns wolle bey
stand leisten/vñ helffen ein sollich gut heilsam werck verrichten.

Wir vermahnen auch alle Stett vnnnd Gemeinden/so
hoch jhnen jhz selbs erhaltung angelegen / das sie vnser fürha
ben wol erwegen/vnnnd dabey erkennen wollen/was erleuchte
rung vnd rüh/so wol in jhren gemeinen politischen/ als eignen
priuat sachen darauff eruolgen mag/vnnnd das sie darauff die
Händ mit vns anlegen/da sich nichts dann glücklichen fort
gangs zuuersehen/mit beystand Gottes gnaden/dem wir alles
heimstellen. Da sie aber so bald sich nit vergleichen können/die
weil jhre Rāht mit vilen personen besetzt / so verwarnen wir sie
abermalen/das sie auff jhre eigne sachen wol warneimen / vnd
in mittels nicht gestattē oder zulassen/ von denen vberzedt oder
eingenommen zuwerden / die durch vnrechte deuttung vnser
fürhabens vnderstehn möchten/ jhzrer Stett sich zumechtigen/
mit einlegung Besatzung vnd Kriegsvolcks/ dardurch sie dan
eben in die dienstbarkeit gebracht / in deren die jhenigen Stett
seind/die sie allbereit innhaben.

Wir erklären vns auch gegen meniglich / das wir einige
feindlichkeit nit gedencen zugebrauchen/dann gegen denen die
sich mit gewehrter hand vns begern zuwidersetzen/oder durch
andere vngbürliche mittel vnsern feinden fürschub zuthun/die
nichts suchen/dann vndergang der Kirchen vnnnd verderbung
des weltlichen Stahts. Wir versichern auch meniglich/das
durch disen vnsern billichen rechtmessigen Krieg/niemand soll
beraubt oder beschwerdt werden/weder in durchzügen noch in
belegerungē/sonder von meniglich gute ordnung gehalten/vñ

nichts vnbezahle genommen werden / damit wir mit allen zu
der eh: Gottes/seiner Kirchen vnnnd gemeiner wolfahrt eifferis
gen / den guten namen der aller Christlichsten Franckösischen
Nation wider erlangen/mit der protestation / daß wir auch die
Wehr auß vnsern handen zulassen nit gedencen/biß nach voll
komner verzichtung alles oberzehnten/vnd daß wir vil mehr vn
ser leben darüber zulassen bedacht / mit beger / alsdann in ein
Grüb versamlet zuwerden/die insonderheit den Franckosen die
am letzten vmb Gottes vnd des Vaterlands sachen willen/rit
terlich ihr leben gelassen/consacriert oder geweihet werd.

Lezlich/dieweil billich/ daß all vnser hülff von Gott kostt/
so bitten wir alle wahre Catholische / sie wöllen sich mit vns in
ein recht wesen begeben/mit der Göttlichen Mt: mit vollkom
ner besserung ihres lebens sich versöhnen/damit seinen zorn stil
len/vnnnd ihn mit reinem Gewissen anruffen/ so wol in off
nen versamlungen vnnnd processionen / als auch in
ihren besondern priuat andachten / damit alles
vnser thun/dessen eh: allein zugemessen werd/
der der Gott aller Hörscharen ist/ von
dem wir all vnser macht vnd sicher
ste züflucht gewarten. Geben zu
Peronne den letzten Martij.

1585.

Also vnderscriben.

Charles Cardinal
von Bourbon.

AB: 154369


ULB Halle
002 491 087


3



TA → OL







B.I.G.

Farbkarte #13

Blue Cyan Green Yellow Red Magenta White 3/Color Black

12

...r vrsachē/
...dinal von Bour,
...Prelaten/ Herren/
...einden des Königs
...efast zümachen/wl
...Religion vnu
...offen.



XXV.

